

„პუტინის და ხაჯიმბას შეხვედრა“

რუსეთის პრეზიდენტ ვლადიმერ პუტინის განცხადებით, რუსეთის ფედერაციისა და აფხაზეთის ურთიერთთანამშრომლობა ეკონომიკისა და უსაფრთხოების სფეროში ვითარდება.

ამის შესახებ პრეზიდენტმა პუტინმა მოსკოვში დე ფაქტო აფხაზეთის პრეზიდენტთან რაულ ხაჯიმბასთან გამართულ შეხვედრაზე განაცხადა, რომელზეც, აფხაზეთის მედიის ინფორმაციით, ორმხრივი თანამშრომლობის შემდგომი განვითარების პერსპექტივები განიხილეს.

ვლადიმერ პუტინი, აგრეთვე შეეხო დე ფაქტო აფხაზეთის შიდა პოლიტიკურ ვითარებას და ხაზგასმით აღნიშნა:

„ჩვენ ვხედავთ, რომ აფხაზეთში რთული შიდა პოლიტიკური ვითარებაა. ეს ნორმალური პროცესია ნებისმიერ დემოკრატიულ სახელმწიფოში და საზოგადოებაში. ჩვენ ვიმედოვნებთ, რომ ეს პროცესები კონტროლის ქვეშ წარიმართება, არ გავა სამართლებრივი ველიდან. წინააღმდეგ შემთხვევაში ჩვენს მიერ დაგეგმილი ეკონომიკური თანამშრომლობის განხორციელება გართულდება“

თავის მხრივ, მოსკოვში ვიზიტად მყოფმა რაულ ხაჯიმბამ აღნიშნა, რომ ლიდერების ბოლო შეხვედრიდან ბევრი რამ შეიცვალა, მათ შორის, უსაფრთხოების, ეკონომიკის, სოციალური ხასიათის საკითხები.

„დღეს უკვე ფაქტიურად დაიწყო აფხაზეთის ტერიტორიაზე მცხოვრები რუსეთის მოქალაქეებისთვის პენსიების მომატების პროცესი. არის კიდევ შესაბამისი სამუშაოები იმ ნაწილში, რომელიც კულტურის სამინისტროსა და შინაგან საქმეთა ორგანოების ურთიერთქმედებას ეხება“, - აღნიშნა დე ფაქტო აფხაზეთის პრეზიდენტმა.

01.12.2016 РИА Новости <https://ria.ru/politics/20161201/1482624997.html>

„აფხაზეთის სომეხთა კავშირის განცხადება“

რუსეთის ჯავახკის დიასპორის მიმართვა აფხაზეთის შიდა საქმეებში ჩარევას“, – ასეთ განცხადებას აქვეყნებს აფხაზეთის დე ფაქტო რესპუბლიკის “სომეხთა კავშირი”.

განცხადებაში ნათქვამია, რომ 2016 წლის 5 დეკემბერს რიგ საინფორმაციო პორტალებზე გამოქვეყნდა რუსეთის “ჯავახკის” დიასპორის თავმჯდომარის, აგასი არაბიანის მიმართვა, სადაც აფხაზეთის დე ფაქტო რესპუბლიკის ოპოზიციას და არასამთავრობოებს ბრიტანული სპეცსამსახურების მიერ დაფინანსების მიღებაში ადანაშაულებს. ამასთან, როგორც არაბიანი ამბობს, აფხაზეთში ეს ფული არასამთავრობო ორგანიზაციების “შერიგების რესურსები”, “ჰუმანიტარული პროგრამების ცენტრი” საშუალებით ხვდება. არაბიანის განცხადებითვე, აღნიშნული ინფორმაცია აფხაზეთის სომხური სათვისტომოს ავტორიტეტულმა წარმომადგენლებმა მიაწოდეს.

“აქედან გამომდინარე, აფხაზეთის სომეხთა კავშირი საჭიროდ მიიჩნევს განაცხადოს, რომ აღნიშნული ინფორმაცია ცილისწამებაა. ეს განცხადება აფხაზეთის შიდა საქმეებში ჩარევას და მისი გავრცელებისა და შეურაცხყოფისთვის ორგანიზაციის ხელმძღვანელს პასუხისმგებლობა მოუწევს. იმ შემთხვევაში, თუ ვერ დაამტკიცებს ამას, საჯარო ბოდიშს მოვითხოვთ”.

“სომეხთა კავშირი” აფხაზეთში აქვე აცხადებს, რომ აღნიშნული შემთხვევა პირველი არაა, როდესაც რუსეთის “ჯავახკი” აფხაზეთში ეთნიკური ჯგუფების დაპირისპირების მიზნით ცრუ

ინფორმაციას ავრცელებს – “მანამდე “ჯავახკმა” გაავრცელა ინფორმაცია იმის შესახებ, რომ სომეხთა კავშირი აფხაზეთში თითქოს ავტონომიას ითხოვს”

06.12.2016 АБХАЗИЯ 24r06.12.2016r <http://abkhazia24.org/>

„მოსკოვში აფხაზეთის ეკონომიკის განვითარების გეგმაზე მუშაობენ“

მოსკოვში სოხუმისა და რუსული კონსალტინგური კომპანია „სთრათეჯი პარტნერს გრუფის“ სამუშაო ჯგუფები შეიკრიბნენ. დე ფაქტო აფხაზეთის ეკონომიკის მინისტრის განცხადებით, შეხვედრაზე „2025 წლამდე აფხაზეთის ეკონომიკის განვითარების სამოქმედო პროგრამის პირველი ეტაპი“ დასრულდა.

„ეს ძალიან მნიშვნელოვანი დოკუმენტია, რომლის გარეშე წარმოუდგენელია ჩვენი ქვეყნის ეკონომიკის თანამიმდევრულად განვითარება... პირველად, უახლეს ისტორიაში, ჩვენ შევძლებთ გავაფართოვოთ დაგეგმარების ჰორიზონტი და შევიძუშავოთ მოქმედებების საგზაო რუკა“, - აღნიშნა ადგურ არძინბამ.

მინისტრის თქმით, სამუშაოები მოსკოვში აფხაზეთის დიასპორის წარმომადგენლების ფინანსური მხარდაჭერით ხორციელდება.

06.12.2016 Абхазия-Информ <http://abkhazinform.com/item/4991-adgur-ardzinba-osnovnaya-diskussiya-vsekh-politicheskikh-i-obshchestvennykh-sil-strany-dolzha-razvorachivatsya-vokrug-ekonomicheskikh-dokumentov>

„აფხაზეთში ნიღბიანი ადამიანების გამოჩენსთან დაკავშირებით განმარტებები გააკეთეს“

დე ფაქტო აფხაზეთის „სახელმწიფო ავტონისპექციის (ГАИ) თანამშრომლებთან ერთად ბოლო დროს, საგუშაგოებზე კომუფლირებულ ფორმებში ჩაცმული, ნიღბიანი ადამიანები გამოჩნდნენ.

აფხაზეთის მედიის ინფორმაციით, ამასთან დაკავშირებით, დღეს „შსს - ს ოფიციალურ ვებ - გვერდზე გამოქვეყნდა განცხადება, რომ საზოგადოებრივი წესრიგის დაცვისა და უსაფრთხოების უზრუნველყოფის მიზნით, შსს- ს ცენტრალური აპარატი და სახელმწიფო ავტონისპექცია, ერთობლივად ახორციელებენ რეიდებსა და პროფილაქტიკურ ღონისძიებებს“.

08,12.2016 Апсныпресс <http://apsnypress.info/news/mvd-abkhazii-provodit-reydovye-i-profilakticheskie-meropriyatiya/>

„რაულ ხაჯიმბა საზოგადოებრივი პალატის ახალ შემადგენლობას შეხვდა“

დე ფაქტო აფხაზეთი პრეზიდენტი რაულ ხაჯიმბა საზოგადოებრივი პალატის წარმომადგენლებს შეხვდა. საზოგადოებრივი პალატის ამოცანათა შორის, მან სხვადასხვა კანონპროექტის რეალური ექსპერტიზის ჩატარებაზე გაამახვილა ყურადღება. "მთავარია, რომ ხალხმა იცოდეს, რომ საზოგადოებრივი პალატა სწორედ ის ორგანოა, რომელიც კანონების არსს მიაწვდის მათ", - თქვა ხაჯიმბამ.

გარდა ამისა, მან აღნიშნა, რომ საზოგადოებრივი პალატა მოქალაქეებსა და ხელისუფლებას შორის დიალოგის ასპარეზად უნდა იქცეს. "ოპოზიციასა და მთავრობას შორის

შესაბამისი დოკუმენტის ხელმოწერის მცდელობამ ჯერ შედეგი ვერ გამოიღო, თუმცა ეს იმას არ ნიშნავს, რომ ყველაფერი დაკარგულია".

თავის მხრივ, საზოგადოებრივი პალატის ხელმძღვანელმა ნათელა აკაბამ განაცხადა, რომ ისინი მზად არიან ყველა ღონე იხმარონ, ოპოზიციასა და ხელისუფლებას შორის ურთიერთობების დასარეგულირებლად. დე ფაქტო რესპუბლიკის პრეზიდენტის თქმით:

"პარლამენტის მიერ შემუშავებული დოკუმენტი, რომელიც ხელისუფლებასა და პოლიტიკური ძალებს შორის დიალოგისკენაა მიმართული, ყველამ უნდა მიიღოს! არანაირ პირობებზე, როგორც სახელმწიფოს ხელმძღვანელი, მე არ წავალ! ხელისუფლება, არა მხოლოდ უნდა დაეთანხმოს რაღაცას, არამედ, რეაგირება უნდა მოახდინოს ყველა დარღვევაზე, რომელიც თავს იჩენს".

08.12.2016aiashara <http://www.aiashara.com/single-post/2016/12/07/>

„ამცახარას“ VII ყრილობა“

2016 წლის ნოემბრის ბოლოსა და დეკემბრის დასაწყისში, დე-ფაქტო აფხაზეთში, ე.წ. პრეზიდენტის ვიზიტს მოსკოვში წინ უძღოდა ე.წ. ოპოზიციური ძალების გააქტიურება. კერძოდ, 30 ნოემბერს ქ. სოხუმში პოლიტიკური პარტია „ამცახარას“ VII ყრილობა ჩატარდა. ყრილობის მონაწილეებმა განიხილეს დეფაქტო რესპუბლიკაში საზოგადოებრივ-პოლიტიკური და სოციალურ-ეკონომიკური ვითარება, რომელიც მათი აზრით კრიზისულია.

ე.წ. პოლიტიკური პარტია „ამცახარას“ პოლიტსაბჭოს თავმჯდომარის, ალხას კვიცინიას განცხადებით:

„პოლიტიკური პარტია „ამცახარა“ და „ოპოზიციურ ძალთა ბლოკი“ გამოდიან მოთხოვნით გადადგეს პრეზიდენტი, რათა გადარჩეს აფხაზეთის სახელმწიფოებრიობა. დაშვებული უხეში შეცდომები, რომელთაც ჩვენ კატასტროფულს ვუწოდებთ, მოითხოვს ხელისუფლების შეცვლას. თუ ხაჯიმბას რეჟიმი 2019 წლამდე შენარჩუნდება რესპუბლიკაში გამოუსწორებელი პროცესები განვითარდება“

აგრეთვე, ყრილობაზე სიტყვით გამოვიდნენ ოპოზიციურ ძალთა ბლოკში შემავალი-საზოგადოებრივი ორგანიზაციის „ქალები პოლიტიკაში“ ხელმძღვანელი ირინა აგრბა, საზოგადოებრივი ორგანიზაციის „კარაზა“ ხელმძღვანელი დიმიტრი დბარი, ოპოზიციურ ძალთა ბლოკის თანათავმჯდომარე ასლან ბჟანია, მოძრაობა „აფხაზეთის დედები მშვიდობისა და სოციალური სამართლიანობისთვის“ სოხუმის ორგანიზაციის ხელმძღვანელი ფირუზა კაპბა და სხვები.

ყრილობის შედეგად მიღებულ იქნა რეზოლუცია სადაც ვკითხულობთ:

„აფხაზეთის რესპუბლიკის მოქმედ პრეზიდენტს არ სურს ეროვნული თანხმობის მიღწევა და სახელმწიფოებრიობის განვითარება. მოვითხოვთ რაულ ხაჯიმბა გადადგეს და აფხაზეთის რესპუბლიკის სახალხო კრებამ (პარლამენტმა) დანიშნოს ვადამდელი საპრეზიდენტო არჩევნები. თუ რაულ ხაჯიმბა არ მოისმენს ჩვენს მოთხოვნას და ნებაყოფლობით არ გადადგება აფხაზეთის პრეზიდენტის პოსტიდან, ჩვენ მოვიწვევთ სახალხო შეკრებას, რომელიც შედგება 2016 წლის 15 დეკემბერს ქლაქ სოხუმში“.

30.11.2016Аьхазия-информ <http://abkhazinform.com/item/4960-esli-raul-khadzhimba-ne-primet-reshenie-o-dosrochnoj-dobrovolnoj-otstavke-s-posta-prezidenta-blok-oppozitsionnykh-sil-15-dekabrya-provedet-narodnyj-skhod>

„აფხაზეთის ოპოზიციის სოჭში ასლან ბჟანიას დაკავების შესახებ იუწყება“

აფხაზეთის ოპოზიციური პარტია „ამცახარას“ ცნობით ოპოზიციური ძალების ბლოკის ერთ-ერთი ლიდერი ასლან ბჟანია, რომელიც სოხუმში ბრუნდებოდა, სოჭში დაპატიმრეს. პარტიის განცხადებაში აღნიშნულია, რომ ბჟანია ე.წ. რუსეთ-აფხაზეთის საზღვარზე საპასპორტო კონტროლის დროს დააკავეს.

პარტიის მტკიცებით, რუსეთის სამართალდამცავი ორგანოები ჯერ კიდევ მანამდე ეძებდნენ გამოგონილ საბაბს მის დასაკავებლად. „ამცახარაში“ მიაჩნიათ, რომ ამ დაკავების უკან დე ფაქტო ხელისუფლება დგას. რუს სამართალდამცველებს ბჟანიას დაკავების შესახებ კომენტარი ჯერ არ გაუკეთებიათ.

ასლან ბჟანია ადრე აფხაზეთის უშიშროების სამსახურს ხელმძღვანელობდა. 2014 წელს კენჭს იყრიდა ე.წ. პრეზიდენტის პოსტზე. თუმცა, რაულ ხაჯიმბას გამარჯვების შემდეგ ოპოზიციურ ბლოკში გაერთიანდა.

04.12.2016АПЧЫ.ruhttp://m.apsny.ru/news/?ID=25867

„რაულ ხაჯიმბას მხრდამჭერთა მიტინგი“

„ამცახარას“ ყრილობის პარალელურად, სოხუმში რაულ ხაჯიმბას მხრდამჭერთა მიტინგი გაიმართა, რომლის ორგანიზატორები ვეტერანთა საზოგადოებრივი ორგანიზაცია „არუა“ და პარტია „აფხაზეთის სახალხო ერთობის ფორუმი“ იყვნენ. მიტინგს დე ფაქტო აფხაზეთის პრემიერ - მინისტრი ბესლან ბარციცი და პარლამენტის დეპუტატთა ჯგუფი ესწრებოდა.

მიტინგზე ე.წ. პარლამენტის დეპუტატმა, თემურ გულიამ, რაულ ხაჯიმბას მოუწოდა უფრო მკაცრი მეთოდების გამოყენებისაკენ სტაბილურობისა და მოქალაქეების უსაფრთხოების დასაცავად, რადგანაც მისივე განმარტებით, „მხოლოდ სტაბილურობაში და ეროვნულ თანხმობაში დევს ქვეყნის დემოკრატიული განვითარების გასაღები.“

მიტინგზე შეკრებილ მხრდამჭერებთან რაულ ხაჯიმბამ ისაუბრა ვლადიმერ პუტინთან განსახილველ საკითხებზე და კომენტარი გაუკეთა ე.წ. ოპოზიციის მოთხოვნას:

„მე მივდივარ მოსკოვში ჩვენი სახელმწიფოსთვის უმნიშვნელოვანეს თემებზე სასაუბროდ. პირველი-ეს არის რუსეთთან ჩვენი ვალის საკითხი. ჩვენ არ გვაქვს შესაძლებლობა ვიზრუნოთ სახელმწიფოებრიობის განვითარებაზე და ამავე დროს დავფაროთ დავალიანება, რომელმაც უკვე სამ მილიარდს გადააჭარბა. მეორე ეს არის ენერგომომარაგების საკითხი. 2018 წელს ჩვენ მოგვიწევს ენგური ჰესის დახურვა. აუცილებელია სარემონტო სამუშაოების გაწევა, რომლებიც მინიმუმ ერთ წელიწადს გაგრძელდება. საიდან უნდა ავიღოთ ამ დროს ჩვენ ენერგია? ყველამ კარგად იცის გუმისთის ხიდის საკითხი, რომლის აგებასაც დიდი თანხა ესაჭიროება. სწორედ ამ საკითხებზე სასაუბროდ მივდივარ მოსკოვში. მართალია 2014 წელს ჩატარებულ ვადამდელ საპრეზიდენტო არჩევნებზე ოპოზიციამ ჩემს კანდიდატურას არ მისცა ხმა, მაგრამ ჩემი მხრდამჭერები უფრო მეტნი იყვნენ და ამიტომ არასწორი იქნება თუ მხოლოდ ოპოზიციის აზრი იქნება გათვალისწინებული. სახელმწიფოს მეთაურს ხალხი ირჩევს და არა ცალკეული პიროვნებები, გამომდინარე საკუთარი ინტერესებიდან. თუ მთელი ხალხი შეიკრიბება და მოითხოვს, რომ წავიდე, მე -წავალ“.

30.11.2016АИААИРАhttp://www.aiaaira.com/news/society/raul_khadzhimba_neppravilno_chtoby_tolko_oppozitsiya_reshala_sudbu_prezidenta/

„რაულ ხაჯიმბამ პარლამენტში არჩევნების თარიღი დაასახელა“

„აფხაზეთის რესპუბლიკის კონსტიტუციისა და „აფხაზეთის რესპუბლიკის სახალხო კრების დეპუტატების არჩევნის შესახებ“ საკონსტიტუციო კანონის შესაბამისად, აფხაზეთის რესპუბლიკის პრეზიდენტმა პარლამენტში არჩევნების ჩატარების შესახებ განკარგულებას მოაწერა ხელი.“

არჩევნები დანიშნულია 2017 წლის 12 მარტს.

12.12.2016 ПРЕЗИДЕНТ РА http://presidentofabkhazia.org/about/info/news/?ELEMENT_ID=5426

„აფხაზეთის უშიშროების საბჭოს განცხადება“

დე-ფაქტო აფხაზეთის სახელმწიფო უშიშროების საბჭოს წარმომადგენლების განცხადებით, ისინი ფლობენ ინფორმაციას იმის შესახებ, რომ ცალკეული რადიკალურად განწყობილი ოპოზიციის მომხრეები, ძალის გამოყენებით შეეცდებიან ხელისუფლების ხელში ჩაგდებას და აფხაზი ხალხის მიერ კანონიერი გზით არჩეული პრეზიდენტის გადაყენებას.

ამავე განცხადებით, აღნიშნული განზრახვის რეალიზაციისთვის, რადიკალურად განწყობილი ოპოზიციონერები ცეცხლსასროლი იარაღის და ასააღებელი ნივთიერებების გამოყენებას გეგმავენ.

თავისი განცხადების მტიკიცებულებად, დე ფაქტო რესპუბლიკის უშიშროების საბჭო, 2016 წლის 11 დეკემბერს, სოხუმში აღმოჩენილი იარაღისა და საბრძოლო მასალის სამარხს (8 ავტომატი АК-74, ხელის ტანკსაწინააღმდეგო ყუმბარმტყორცნი ППГ-7) მიიჩნევს. ამავე ინფორმაციით, ოპოზიციის მომხრეებმა შექმნეს საბრძოლო ჯგუფები, რომლებიც მიზნად ისახავენ „პრეზიდენტის“ ადმინისტრაციის შტურმს. გარდა ამისა, მათი თქმით, ისინი მოასახლეობის, განსაკუთრებით ახალგაზრდების მოსყიდვას ცდილობენ. მათი თქმით, ოპოზიციური ძალები ხელისუფლების წინააღმდეგ განწყობილი გარე ძალების მიერ ფინანსდებიან.

აფხაზური მედიის ინფორმაციით, დე ფაქტო აფხაზეთის საზოგადოებრივი პალატა მოუწოდებს ორგანიზატორებს, გადადონ სახალხო კრება.

15 დეკემბერს ოპოზიციური ძალების ბლოკი და მათი მომხრეები სოხუმში მიტინგს გეგმავენ, რომელზეც მოქმედი პრეზიდენტის გადადგომას მოითხოვენ.

13.12.2016 АПСНЫ.РУ <http://m.apsny.ru/news/?ID=26109>

„დე-ფაქტო აფხაზეთის ხელისუფლებისა და ე.წ. ოპოზიციის შეთანხმება“

„Эхо Кавказа“ წყაროზე დაყრდნობით ავრცელებს ინფორმაციას, რომ დე-ფაქტო აფხაზეთის ე.წ. ხელისუფლებამ და ოპოზიციამ ხელი მოაწერეს „საზოგადოებრივ-პოლიტიკური სტაბილურობის შესახებ“ შეთანხმებას. აღნიშნულ დოკუმენტს ხელი მოაწერეს-დე-ფაქტო აფხაზეთის ე.წ. პრეზიდენტმა რაულ ხაჯიმბამ, ე.წ. სახალხო კრების (პარლამენტის) სპიკერმა ვალერი ბგანბამ და ე.წ. „ოპოზიციურ ძალთა ბლოკის“ ლიდერმა ასლან ბუჯანიამ.

ხელმოწერილი დოკუმენტის ტექსტში ვკითხულობთ:

„პრეზიდენტი, პარლამენტი და ოპოზიცია შეთანხმდნენ:

-პრეზიდენტი ნიშნავს ვიცე-პრემიერად ოპოზიციურ ძალთა ბლოკის მიერ შეთავაზებულ კანდიდატურას.

-პრეზიდენტი პარლამენტს განსახილველად წარუდგენს, ოპოზიციურ ძალთა ბლოკის მიერ შეთავაზებულ, აფხაზეთის რესპუბლიკის საკონსტიტუციო სასამართლოს ორი მოსამართლის კანდიდატურას.

-პრეზიდენტი პარლამენტს განსახილველად წარუდგენს, ოპოზიციურ ძალთა ბლოკის მიერ შეთავაზებულ, აფხაზეთის რესპუბლიკის გენერალური პროკურორის კანდიდატურას.

-აფხაზეთის რესპუბლიკის სახალხო კრება (პარლამენტი“ ირჩევს, ცენტრალურ საარჩევნო კომისიაში, ოპოზიციურ ძალთა ბლოკის მიერ შეთავაზებულ 4 წევრს.”

თავის მხრივ, შეთანხმების თანახმად:

„ოპოზიციურ ძალთა ბლოკი იღებს ვალდებულებას არ მოითხოვოს მოქმედი პრეზიდენტის ვადამდელი გადადგომა“

16.12.2016 Эхо Кавказа<http://www.ekhokavkaza.com/a/28178933.html>

16.12.2016